

১৫ মার্চ ২০২০ইং

সংবাদ বিজ্ঞপ্তি

সংবাদ সম্মেলনে আইইডিসিআর-এর মহাপরিচালক

সাংবাদিকদেরকে নিয়মিত অবহিতকরণের অংশ হিসেবে আজ বেলা ১২টায় আইইডিসিআর মিলনায়তনে COVID-19 সংক্রমণের নানা দিক, বাংলাদেশ ও বিশ্ব পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

বিশ্ব পরিস্থিতিঃ ইতালী ও স্পেন

বিশ্বে কোভিড-১৯ মহামারীর কেন্দ্র এখন ইতালীতে। সেখানে এখন ল্যাবরেটরি নিশ্চিত রোগীর সংখ্যা ১৭৭৫০ জন, সুস্থ হয়ে হাসপাতাল ছেড়েছেন ১৯৬৬ জন। হাসপাতালে চিকিৎসাধীন আছেন ৮৩৭২ জন, বাসাতে চিকিৎসাধীন ৭৮৬০ জন, আইসিইউ-তে আছেন ১৫১৮ জন, এ পর্যন্ত মৃত্যু ঘটেছে ১৪৪১ জনের।

স্পেনে এখন ল্যাবরেটরি নিশ্চিত রোগীর সংখ্যা ৪২৩১ জন, গত ২৪ ঘন্টায় ১২৬৬ জন হাসপাতালে ভর্তি হয়েছেন। এ পর্যন্ত মৃত্যু ঘটেছে ১২০ জনের, গত ২৪ ঘন্টায় মৃত্যু বরণ করেছেন ৩৬ জন।

ইতালী ফেরত প্রবাসী বাংলাদেশীদের পরিস্থিতি ও কোয়ারেন্টিন

গত কয়েকদিনে কয়েক শত প্রবাসী বাংলাদেশী কোভিড-১৯ আক্রান্ত ইতালী থেকে হযরত শাহ জালাল বিমান বন্দর হয়ে বাংলাদেশে ফিরেছেন। তাদের সার্বিক অবস্থা পর্যালোচনা করে ১৪ দিনের কোয়ারেন্টিন কার্যকরী করার উপযুক্ত পন্থা নির্ধারণ করা হচ্ছে। তাদের একটি বড় অংশ স্বৈচ্ছা/গৃহ কোয়ারেন্টিন পালন করছেন, যাদের গৃহ কোয়ারেন্টিন পালন করতে অসুবিধা হচ্ছে তাদেরকে প্রাতিষ্ঠানিক কোয়ারেন্টিন করা হচ্ছে। স্থানীয় স্বাস্থ্য কর্তৃপক্ষ ও প্রশাসন তাদের কোয়ারেন্টিনে অবস্থানকালীন অসুবিধাসমূহ দেখভাল করবেন ও নিয়মিত খোঁজখবর রাখবেন।

পূর্ণ নিষ্ঠার সাথে স্বৈচ্ছা/গৃহ কোয়ারেন্টিন মেনে চলার আহ্বান

এটা লক্ষ্য করা যাচ্ছে যে, কোভিড-১৯ আক্রান্ত দেশসমূহ থেকে দেশে ফেরত আসা কোনো কোনো প্রবাসী বাংলাদেশী স্বৈচ্ছা/গৃহ কোয়ারেন্টিন পালন করছেন না। কেউ কেউ এ ভ্রান্ত ধারণা পোষণ করছেন যে, তারা কোভিড-১৯এ আক্রান্ত হবেন না। এটা ঠিক যে, তারা এখন সম্পূর্ণ সুস্থ। কিন্তু তারা কোভিড-১৯ আক্রান্ত দেশে গত ১৪ দিনের মধ্যে ছিলেন। এমনকি তারা সুস্থ অবস্থায় স্বাস্থ্য পরীক্ষায় কোভিড-১৯ মুক্ত প্রমাণিত হলেও এর পর যে কোন সময় সে দেশে থাকাকালীন বা বিমানে-ট্রানজিটে অবস্থানকালে ভাইরাস দ্বারা আক্রান্ত হতে পারেন, হয়তো এখনো লক্ষণ প্রকাশ পায় নি। দেশে ফেরার পর মোট ১৪ দিন পর্যন্ত তিনি অন্যান্য সুস্থ ব্যক্তিদের থেকে দূরে থাকবেন, এ সুপ্তিকালে তার মধ্যে কোভিড-১৯ সংক্রমণ প্রকাশিত হতে পারে। আক্রান্ত এলাকা থেকে আগত সবাইকে নিজেদের নিরাপত্তার স্বার্থে, সামাজিক নিরাপত্তার স্বার্থে, পরিবারের স্বার্থে, দেশের স্বার্থে ১৪ দিনের জন্য

কষ্ট স্বীকার করে স্বেচ্ছা/গৃহ কোয়ারেন্টিন মেনে চলার আহ্বান জানাচ্ছি। আমরা আশা করি তারা সংক্রমণ প্রতিরোধে চালু থাকা দেশের আইন ভঙ্গ করবেন না। আইন ভঙ্গের ঘটনা ঘটলে সংশ্লিষ্ট ব্যক্তি(বর্গ)কে প্রাতিষ্ঠানিক কোয়ারেন্টিনে অবস্থান করার জন্য কর্তৃপক্ষ ব্যবস্থা গ্রহণ করবেন।

বাংলাদেশের করোনা ভাইরাস রোগী পরিস্থিতি

বাংলাদেশে এখন পর্যন্ত কোভিড-১৯ সনাক্ত রোগী ৫ জন। এর মধ্যে হাসপাতালে চিকিৎসাধীন ৩ জন কোভিড-১৯ আক্রান্তব্যক্তির মধ্যে সবাই সুস্থ হয়ে বাড়ীতে গেছেন। এ তিন জনের সংস্পর্শে আশাব্যক্তিগণ কোয়ারেন্টিনে ভাল আছেন। গতকাল আইইডিসিআর ভাইরোলজি ল্যাবরেটরিতে পরীক্ষা করে আরো ২ জনের নমুনাতে কোভিড-১৯ সংক্রমণ পাওয়া গেছে। একজনের বয়স ২৯ বছর। আরেক জন চিল্লিশের কোঠায়, তার অন্যান্য দীর্ঘমেয়াদী অসংক্রামক ব্যাধি রয়েছে। এদের একজন ইতালী ও অন্য একজন জার্মানী থেকে এসেছেন। উভয়ের জ্বর ও কাশি রয়েছে।

প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, সংযুক্ত আরব আমিরাত, ইটালি ও সৌদী আরবে কয়েক জন প্রবাসী বাংলাদেশী কোভিড-১৯ আক্রান্ত হয়েছেন। সিঙ্গাপুরে আইসিইউতে চিকিৎসাধীন বাংলাদেশী রোগীর অবস্থার উন্নতি হয় নি। আমরা পররাষ্ট্র মন্ত্রণালয় ও বাংলাদেশ দূতাবাসের সাথে সার্বক্ষণিক যোগাযোগ রাখছি।

বাংলাদেশ পরিস্থিতি

স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে।

COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (১৫ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	৯৭৬৫	৬০৬০১২
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	২৪৬৫	৩০২০৬০
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	২২২	৭৪৯২
ঢাকা ক্যান্টনমেন্ট ও বেনাপোল রেলওয়ে স্টেশনে ক্রিনিংকৃত যাত্রীর সংখ্যা	২৮৪	৭০২৯
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৬৭৯৪	২৮৯৪৩১

* গত০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

** কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

আইইডিসিআর হটলাইনে প্রতিদিন কোভিড-১৯ বিষয়ে মানুষের জিজ্ঞাসার জবাব দেয়া হয়। ভাইরোলজি ল্যাবরেটরিতে কোভিড-১৯ আক্রান্ত সন্দেহে নমুনা পরীক্ষা করা হচ্ছে।

COVID-19 সংক্রান্ত সর্বশেষ পরিস্থিতিঃ (১৫ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	৩৭৬৯	৩০৫৪২
আইইডিসিআর হটলাইনে COVID-19 সংক্রান্ত মোটকলের সংখ্যা	৩৭২২	২৫১২৩
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	২১	৩৯২
COVID-19 পরীক্ষাকরা মোট নমুনার সংখ্যা	৩০	২৪১
COVID-19 আক্রান্ত হয়েছেন এমন সন্দেহে বিভিন্ন হাসপাতালে অন্ততঃ ল্যাবরেটরি পরীক্ষা পর্যন্ত আইসোলেশনে আছেন তাদের সংখ্যা	১০	-
বিদেশে COVID-19 আক্রান্ত দেশ থেকে আগত যাত্রী যারা প্রাতিষ্ঠানিক কোয়ারেন্টিনে আছেন তাদের সংখ্যা	৪	-
নিশ্চিতকৃত COVID-19 সংক্রমিত ব্যক্তিদের মোট সংখ্যা	২	৫

কোভিড-১৯ সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশিশিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ হলে ঘরে থাকুন, বাইরে যাওয়া অত্যাবশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাবশ্যকীয় ভ্রমণে সাবধানতা অবলম্বন করুন
- অত্যাবশ্যকীয় নয় এমন সব জাতীয়-আন্তর্জাতিক সভা-সমাবেশ-সম্মেলন আয়োজন না করাই ভাল
- অতি বয়স্ক, দীর্ঘমেয়াদী অসুস্থতায় (ডায়াবেটিস, উচ্চ রক্তচাপ, হৃদরোগ, অ্যাজমা, কিডনী সমস্যা, ক্যান্সার প্রভৃতি) ভুগছেন এমন ব্যক্তিগণ ভীড় এড়িয়ে চলুন

হটলাইনের নম্বর

- ৩৩৩
- স্বাস্থ্য অধিদপ্তরের স্বাস্থ্য বাতায়নের হটলাইন নম্বরঃ ১৬২৬৩
- আইইডিসিআর-এর হটলাইনের নম্বরঃ ০১৫৫০০৬৪৯০১, ০১৫৫০০৬৪৯০২, ০১৫৫০০৬৪৯০৩, ০১৫৫০০৬৪৯০৪, ০১৫৫০০৬৪৯০৫, ০১৪০১১৮৪৫৫১, ০১৪০১১৮৪৫৫৪, ০১৪০১১৮৪৫৫৫, ০১৪০১১৮৪৫৫৬, ০১৪০১১৮৪৫৫৯, ০১৪০১১৮৪৫৬০, ০১৪০১১৮৪৫৬৩, ০১৪০১১৮৪৫৬৮, ০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০